



Na osnovu člana 23 i 24 Zakona o Tužilaštvu Brčko distrikta Bosne i Hercegovine ("Službeni glasnik Brčko distrikta Bosne i Hercegovine, broj 19/07) i člana 13 i 14 Pravilnika o unutrašnjoj organizaciji i poslovanju Tužilaštva Brčko distrikta Bosne i Hercegovine - prečišćen tekst, broj: A-310/2019 od 31.3.2022. godine, glavni tužilac Tužilaštva Brčko distrikta Bosne i Hercegovine d o n o s i

# **O D L U K U**

## **O NAČINU POSTUPANJA PO PRIJAVAMA KRIVIČNIH DJELA POČINJENIH NA ŠTETU LICA KOJA OBAVLJAJU POSLOVE OD JAVNOG ZNAČAJA U OBLASTI INFORMISANJA**

### **Član 1 (Predmet)**

Ovom odlukom određuje se način postupanja Tužilaštva Brčko distrikta Bosne i Hercegovine (u daljem tekstu: Tužilaštvo) po prijavama krivičnih djela počinjenih na štetu lica koja obavljaju poslove od javnog značaja u oblasti informisanja (u daljem tekstu: prijave), imenuje se tužilac za postupanje po prijavama, kao i način i postupak vođenja evidencija o postupanju po prijavama.

### **Član 2 (Cilj Odluke)**

Ova odluka donosi se s ciljem da se osigura efektivna i efikasna krivičnopravna zaštita novinarstva i sigurnost novinara i ostalih medijskih aktera, te generalno svih osoba koje doprinose javnoj debati, prateći sudsku praksu Evropskog suda za ljudska prava i međunarodne preporuke i smjernice, a prije svih Preporuku CM/Rec(2016)4 Komiteta ministara Vijeća Europe o zaštiti novinarstva i sigurnosti novinara i ostalih medijskih aktera

### **Član 3 (Efikasno postupanje po prijavama)**

Prijave za krivična djela koja su izvršena na štetu lica koja obavljaju poslove od javnog značaja u oblasti informisanja u vezi sa poslovima koje obavljaju smatrat će se prioriternim, te će se od strane glavnog tužioca Tužilaštva konstantno provoditi nadzor nad efikasnim postupanjem u tim predmetima.

### **Član 4 (Kontakt osoba)**

Kao kontakt osoba ispred Tužilaštva za komunikaciju i koordinaciju sa novinarskim udruženjima, te agencijama za provođenje zakona koje rade na otkrivanju i gonjenju počinitelja krivičnih djela učinjenih na štetu lica koja obavljaju poslove od javnog značaja u oblasti informisanja određuje se tužilac Tužilaštva Radmilo Ivanović.

**Član 5**  
**(Evidentiranje predmeta)**

- (1) Pisarnica Tužilaštva vodit će posebnu evidenciju u odnosu na krivična djela učinjena na štetu lica koja obavljaju poslove od javnog značaja u oblasti informisanja, u vezi sa poslovima koje obavljaju, te o novim predmetima obavještavati glavnog tužioca.
- (2) Posebne evidencije treba da sadrže podatke o učiniocu krivičnog djela, oštećenom, krivičnom djelu, te donesenim tužilačkim i sudskim odlukama.

**Član 6**  
**(Stupanje na snagu)**

Ova odluka stupa na snagu danom donošenja.

**Broj: A- 375/2023**  
**Brčko, 30.6.2023. godine**

**GLAVNI TUŽILAC**  
**ZEKERIJA MUJKANović**

Dostavljeno:

- -VSTV BiH
- zaposlenima
- a/a

## O b r a z l o ž e n j e:

U organizaciji Delegacije Evropske unije u BiH, u saradnji sa Misijom OSCE-a u BiH i Visokim sudskim i tužilačkim vijećem BiH, u Banjoj Luci je dana 04. i 05.04.2023. godine održana Konferencija na temu „*Osiguravanje sistematskog i institucionalnog praćenja slučajeva prijetnji i nasilja nad novinarima i medijskim radnicima*“ na kojoj su učestvovali predstavnici pravosudnih institucija, ministarstava unutrašnjih poslova i udruženja novinara.

Učesnici Konferencije su usaglasili set preporuka u cilju unapređenja institucionalnog odgovora na slučajeve napada na novinare. Stalna komisija za efikasnost i kvalitet tužilaštava, pri Visokom sudskom i tužilačkom vijeću BiH, na sastanku održanom 25.04.2023. godine razmotrila je preporuku br. 2 koja glasi:

*„Prisutni predstavnici tužilaštava su spremni da preduzmu sve neophodne korake s ciljem imenovanja kontakt tačkaka za sigurnost novinara, te uspostave sistem evidencija i praćenja predmeta koji se tiču ugrožavanja sigurnosti novinara i postupaju prioritetno po ovim predmetima. U cilju jednoobraznog pristupa, preporučuje se VSTV-u BiH da razmotri uključivanje preporuke za imenovanje kontakt tačkaka u tužilaštvima u BiH po uzoru na Kantonalno tužilaštvo Kantona Sarajevo.“*

Razmatrajući navedenu preporuku, članovi Stalne komisije su zaključili da se preporučuje svim tužilaštvima u Bosni i Hercegovini da imenuju kontakt osobu - tužioca za sigurnost novinara, po uzoru na uspostavljenu praksu u Kantonalnom tužilaštvu Kantona Sarajevo. U Kantonalnom tužilaštvu Kantona Sarajevo, odlukom glavne tužiteljice imenovan je jedan tužilac kao kontakt osoba za komunikaciju i koordinaciju sa udruženjima novinara kao i agencijama za provođenje zakona koje rade na otkrivanju krivičnih djela učinjenih na štetu lica koja obavljaju poslove od značaja u oblasti informisanja.

Dopisom Vijeća broj: 13-09-5-1690-1/2023 od 28.4.2023. godine, Tužilaštvo Brčko distrikta BiH pozvano je da, po uzoru na uspostavljeni model postupanja u datoj oblasti, definiira interna organizaciona rješenja uključujući imenovanje kontakt osobe. Postupajući po navedenom dopisu i donesenim preporukama, Tužilaštvo je pribavilo odluku Kantonalnog tužilaštva Kantona Sarajeva, broj: A-284/22 od 25.3.2022. godine prenoseći sadržajno analogna rješenja u nacrt interne Odluke o načinu postupanja po prijavama krivičnih djela počinjenih na štetu lica koja obavljaju poslove od javnog značaja u oblasti informisanja.

U Brčkom, 30.6.2023. godine

Sekretar Tužilaštva  
Samir Beganović

